



HORIZONTAL FACILITY FOR WESTERN BALKANS AND TURKEY

Mbështetja e mjeteve të brendshme për zbatimin efektiv të vendimeve të GjEDNj-së dhe atyre të brendshme

Si pjesë e kuadrit të bashkëpunimit midis Bashkimit Evropian dhe Këshillit të Evropës “Horizontal Facility” për Ballkanin Perëndimor dhe Turqinë, Këshilli i Evropës po zbaton projektin “Mbështetja e mjeteve të brendshme për zbatimin efektiv të vendimeve të GjEDNj-së dhe atyre të brendshme” në Shqipëri, në bashkëpunim të ngushtë me Ministrinë e Drejtësisë, Gjykatën Kushtetuese, Gjykatën e Lartë, Prokurorinë e Përgjithshme, Shkollën e Magjistraturës, Agjensinë e Trajtimin të Pronave, Shkollën e Avokatisë, si dhe shoqërinë civile të angazhuar në këtë fushë.

Më datë 1 Janar 2017, Gjykata Evropiane e të Drejtave të Njeriut (GjEDNj) numëroi 504 raste të regjistruara nga Shqipëria. Gjatë vitit 2016, Gjykata trajtoi 66 çështje të Shqipërisë, ku 44 prej tyre u shpallën të papranueshme ose u pushuan. Gjykata dha 10 gjykime (në lidhje me 22 raste), ku u identifikua të paktën një shkelje e Konventës Evropiane të të Drejtave të Njeriut (KEDNj). Për rrjedhojë si pjesë e këtij projekti, do të kryhet një vlerësim i cili do të pasojë me hartimin dhe zbatimin e programeve të trajnimit mbi standartet e KEDNj-së. Në vijim të rekomandimeve të Progres Raportit të BE-së 2016, kapitulli 23, projekti gjithashtu mbështet rishikimin e mjeteve të brendshme për të siguruar zbatimin me efektshmëri të vendimeve gjyqësore si dhe të atyre administrative.

Projekti përfundon në Korrik 2018 dhe ka një buxhet prej 700.000 Euro.

Objekti i Projektit

Objekti i përgjithshëm i Projektit synon të përmirësojë aftësitë e sistemit gjyqësor për të zbatuar jurisprudencën e KEDNj-së në nivel kombëtar, si dhe për të aftësuar profesionistët e fushës së ligjit të zbatojnë me efektivitet masat që lehtësojnë zbatimin e vendimeve gjyqësore të brendshme duke adresuar në veçanti zgjatjen e proceseve gjyqësore përtej afatit të arsyeshëm (Komponenti 1), sfidat e lidhura me procesin e kthimit/kompensimit të pronave (Komponenti 2), dhe procesi i rregull ligjor në çështje penale (Komponenti 3).

Komponentët e projektit do të arrihen në përmbushje të këtyre **rezultateve të pritshme:**

Rezultatet e pritshme për komponentin 1:

- ✓ Identifikimi i mangësive në lidhje me moszbatimin e gjykimeve të brendshme dhe tejzgjatjes së procedurave, si dhe propozimi i mjeteve të brendshme efektive;
- ✓ Rritja e kapaciteteve të Shkollës së Magjistraturës për të hartuar dhe zbatuar kurrikula trajnimit mbi të drejtat dhe standartet evropiane të të drejtave të njeriut;
- ✓ Zhvillimi i mëtejshëm i aftësive të profesionistëve në fushën e ligjit për të interpretuar dhe zbatuar dispozitat e Nenit Article 6§1 të KEDNj-së.



HORIZONTAL FACILITY FOR WESTERN BALKANS AND TURKEY

Rezultatet e pritshme për komponentin 2:

- ✓ Dhenia e asistencës teknike për të mundësuar që mekanizmi për ekzekutimin e vendimeve në lidhje me kompensimin ose kthimin e pronave të jetë i qartë dhe efektiv;
- ✓ Vlerësimi i masave legislative në lidhje me mos zbatimin e vendimeve gjyqësore dhe administrative për çështjet që lidhen me kthimin/kompensimin e pronave;
- ✓ Përmirësimi i njohurive të profesionistëve në fushën e ligjit mbi zbatimin e vendimeve që lidhen me kthimin/kompensimin e pronave.

Rezultatet e pritshme për komponentin 3:

- ✓ Ofrimi i asistencës teknike dhe propozimeve për amendimet e mundshme në legjislacionin penal mbi rihapjen e proceseve penale në rastet e shkeljes së të drejtës për një proces të rregullt ligjor;
- ✓ Forcimi i kapaciteteve të Shkollës së Magjistraturës për trajnimin e gjyqtarëve dhe prokurorëve për rihapjen e proceseve penale në përputhje me procesin e rregullt ligjor;
- ✓ Rritja e kapaciteteve të gjyqtarëve dhe prokurorëve për të zbatuar kërkesat e Nenit 6 të KEDNJ-së dhe jurisprudencën e GjEDNJ-së në lidhje me rihapjen e proceseve penale në përputhje me procesin e rregullt ligjor.

Informacion mbi skemën e bashkëpunimit “Horizontal Facility”

Më datë 11 Prill 2016, Sekretari i Përgjithshëm i Këshillit të Evropës, Thorbjørn Jagland, dhe Komisioneri i Bashkimit Evropian për Politikat Evropiane të Fqinjësisë dhe Negociatave të Zgjerimit, Johannes Hahn, prezantuan inisiativën e re të bashkëpunimit të dy organizatave që ka për qëllim të mbështesë Evropën Jug-Lindore dhe Turqinë në përpjekjet e tyre për të përmbushur standartet evropiane. Kjo iniciative quhet “Horizontal Facility” për Ballkanin Perëndimor dhe Turqinë. Kjo nismë është një program tre vjeçar (Maj 2016 – Maj 2019) që përqëndrohet në tre fusha: sigurimi i drejtësisë, lufta kundër krimit ekonomik si dhe mbrojtja nga diskriminimi për grupet në nevojë. Buxheti i këtij instrumenti është 25 milion Euro nga të cilat 20 milion Euro janë financuar nga Bashkimi Evropian dhe 5 milion Euro nga Këshilli i Evropës. Nëpërmjet Horizontal Facility, Bashkimi Evropian *acquis* dhe Këshilli i Evropës do të ndihmojnë vendet përfituese në Evropën Jug-Lindore dhe Turqi për të zbatuar standartet e Këshillit të Evropës dhe Bashkimit Evropian nëpërmjet një qasjeje të dyanshme të bashkëpunimit teknik dhe dhënies së ekspertizës. Horizontal Facility mbështetet në metodat e veçanta të punës ku aktivitetet e bashkëpunimit teknik bazohen në përfundimet dhe rekomandimet e organeve monitoruese të Këshillit të Evropës.

Council of Europe Office in Tirana
Skanderbeg Square, Palace of Culture
Tirana, Albania
Tel: +355 44 54 0201

 <http://horizontal-facility-eu.coe.int>
 horizontal.facility@coe.int
 [jp.horizontal.facility](https://www.facebook.com/jp.horizontal.facility)
 @CoE_EU_HF